

二經同卷

迦葉結經

撰集三藏及雜藏傳

獸七

後漢安息三藏安世高譯

乙

卷

共議未集經藏法律諸義各心念言吾等所作已辦越塵勞山枯竭愛河一切智日佛天中天眼忽不見吾等患厭載攝是身今欲般泥洹即說偈曰

已度愚人淵 恩愛海難越 破壞俗朽老及生死之輪 見諸種衆著 身如蚯蛇篋

我等當滅度 意淨如燈滅

於是無數千阿羅漢等各自從意所好山巖流河泉源深岸之中於彼滅度盡其恩愛如燈忽滅時無數千阿羅漢等悉般泥洹天住虛空白大迦葉今真人等已滅度安於是天人即說頌曰

宣尊之音声 其久心無礙 今是爲已逝  
佛者消堵安 如應衆導首 以爲定離慧  
忽愚癡窈冥 法德光不見  
尊者迦葉聞是言已心自念言快哉天人說  
此世間不久當復窈冥此當云何即自念言  
便以解了今攝結義當集經律諸法化要用  
哀愍故安隱世間何以故世尊從無數劫作  
行積功累德勤苦難量欲安世間集是法律  
共合集攝護法化於是賢者大迦葉等會比  
丘僧便告言曰阿那律等能仁無常金剛山  
壞佛勝日寘非常之間蔽能仁光非常之日  
空竭佛海非常之火燒 一切智今正是時常  
護世間念父功德當立父事稱譽父教所作  
使成於是頌曰  
未結無上義 不當捨滅度 具安佛之子  
須集衆經卷  
於是衆比丘僧適說是已尊者迦葉五百羅

漢欲合集結正法律義便詣羅閱祇聚會歲臘。尔時賢者阿難亦具歲臘其諸耆年心念如是此阿難者世尊之弟又常親侍聞持大智解一切法。尔時聖衆即便歎曰

於是和順衆奉佛教如掌十力所稱譽所言淨持慧

獸七

二

於是七月十五日新歲已竟便集經卷法律諸藏五百羅漢悉俱聚會耆年大迦葉告賢者阿那律卿觀世間誰離十力如來弟子衆僧何所羅漢所作已辦而不來會乎於是阿那律即以天眼察視世間報曰仁者大迦葉有耆年名曰憍桓鉢在尸利天宮而作新歲

於是賢者不那從衆羅漢受是命已譬如金翅鳥踊出龍宮如人胸頃到憍桓鉢所稽首禮足談語問訊便說頌曰  
寂然善哉性樂定滅調順志淨迦葉請及餘尊自在合會有僧事最興佛無量彼因欲命具來下見衆勝

獸七

三

於是賢者憍桓鉢聞不那言一時心念謂不那曰仁者不那有比丘僧得無鬪變諍訟之事十力所轉法輪之教衆邪異道無亂之乎明不著三界猶得自在於彼大迦葉告衆僧曰年少比丘子汝能爲衆僧使乎時賢者不那起住叉手受如尊教輒能行耳大迦葉曰

善哉善哉比丘賢聖衆中有是年幼比丘甚爲佳矣說是則已頌曰

尸利若干種衆華光盛耀疾速往到彼如蜂採軟香憍桓鉢神通所止而有勝

如孚承衆教宣化如是意大迦葉之等衆僧遣吾告於此興僧事速來至干期

不那仁者當說佛告比丘衆教而婦反謂迦葉之等比丘之衆將無大哀世尊般泥洹將無演慧世珍不見異道托亂正法之教儻無十力轉法輪王自在非常忽而不見將無大哀安隱一切救護衆生寂而不起佛日不沒乎佛喻月光得無墨礙有覆蔽將無道樹覺意生花興盛之好沙門果實歸于無常世間大燈得無非常風滅之耶得無非常水滅于佛火儻無愚癡子諍亂佛教將法輪義追返不還無佛月耀光明爲盡將阿須輪障大光明余時賢者不那曰唯橋桓鉢佛船已壞慧山已崩諸持法之等亦欲滅度越彼世間橋桓鉢曰惡人得無合鬪變諍云何於世間得聞正法於是而寂謂不那曰以爲拔惡餘在無要離如來光世間無復威神之耀當往何求即時頌曰

世間以爲空 無佛無所樂 閣浮利何索  
便於是滅度

於是賢者橋桓鉢取鉢衣服與不那曰以奉聖衆宣我聲曰一切衆賢悉願忍以於善哉義尊之無放逸賢者橋桓鉢說是已竟便而滅度滅度已從身出火還自闇維如火積薪燃炬矣闇維已竟便於空中放四流泉來下灌身水清且涼其色如水精琉璃之色彼流水自然有聲而說頌曰

第一流水曰 智慧住生死 不當信浮雲 無常壞金剛  
佛山王以崩 第二流水曰 所有常動搖 多畏勤苦害 不自在捨已

默七

第三流水曰 佛嘆滅度安 如是無放逸  
如燃燈疾滅

第四流水曰 所依成其身 無數惱害擾

衆中寂有勝 當爲稽首禮 尊者橋桓鉢

至於般泥曰 樂從佛十力 願隨而滅度  
譬如六牙象 其子慕逐母 於彼稽首禮  
一切賢聖衆 唯願尊上僧 原我之所咎  
於是賢者憍桓鉢滅度之後賢者不那便取  
衣鉢如彈指頃即時來還以奉衆僧次第禮  
竟便說頌曰

人中之最尊 大哀而寂然 憍桓鉢聞之  
應時便滅度 於彼稽首禮 一切賢聖衆  
唯願尊上僧 原我之所咎

說是已後便自滅度於時一切衆僧皆計非常  
須臾思惟正經戒律諸法之解即悉赴會  
比丘僧余時賢者大迦葉告阿那律曰仁者  
且觀是衆會中誰有姪怒癡縛結未解恩愛  
陰蓋須學戒辯凡夫聚會也時阿那律察座  
訖白大迦葉有比丘名阿難世尊侍者方當  
學成彼來會此於是賢者大迦葉謂賢者阿  
難汝且起去我等不與卿共結經要阿難報  
曰願尊者大迦葉歡悅我不破戒亦無邪見

歌七

五

亦不壞業亦不失行亦不犯衆迦葉報曰唯  
且阿難卿侍如來親近世尊無有破戒何足  
為恠又仁謂言我無所犯起取證舍勒來我  
當計卿前後過罪於是大迦葉適起此心三千  
世界六返震動百千天人住於虛空舉聲  
稱怨我此大迦葉何以出辭乃余於時賢者

迦葉謂阿難言仁者云何謂無所犯何故從  
佛求令女人出家為沙門阿難報曰唯大迦  
葉世尊母終時摩訶瞿曇弥勤苦養育  
躬奉世尊爲菩薩時乳哺令長欲報其恩故  
求令作沙門愍念親族欲令得度是故求佛  
令作沙門又聞過去諸佛平等正覺有四輩  
衆我念世尊法教之化得無減少故從佛求  
使作沙門尊者迦葉曰唯阿難是為不足達  
孝報恩如來法身供養之德令女人作沙門  
者譬如成就稻田天大雨墮雹而破壞之佛  
正法者本當久立坐于女人出家作沙門令  
住千歲又阿難汝言我用愍念親族之故求

爲沙門是爲不應沙門之法以有親族恩念故矣又阿難汝言過去諸平等正覺具有四輩故求爲沙門者今時世人姪怒癡薄無有縛結志樂空閑心無瑕穢豈得比之今時人乎是爲一過下竿著地又阿難汝復有過又世尊所說其有精進獲四神足者便能自在住壽一劫若復踰劫汝何爲不從世尊求哀愍傷世間阿難答曰唯尊者時魔波旬耗勞我意故不從佛求哀耳迦葉答曰是爲大過何謂侍於無欲當降魔力反從魔教是爲二過阿難汝且不識是過汝復有過世尊詙汝汝時恨言他犯他坐是爲三過次復有過汝以足越世尊金縷織成衣是爲四過阿難次復有過世尊臨般泥洹時欲至雙樹從汝求水而不與之是爲五過汝復有過時佛世尊說諸雜碎隨順禁戒汝亦不念爲當來人分別問之是爲六過汝爲以世尊陰馬之藏示於衆人是爲七過阿難汝復有過何以故以

世尊紫磨金色示于女人令上啼哭淚汚其足是爲八過阿難汝復有過是衆會中無姪怒癡而汝獨有三垢之瑕汝方當學成其道化衆所作已辦而汝未達是爲九過且起出會終不與卿共結經也賢者阿難普察四座悲哀音嗚呼甚毒何因乃尔乎我身今日已離如來無救無護目不覩明世間爲冥又賢者大迦葉其佛世尊臨滅度時告阿難汝莫啼悲無以我累於大迦葉今偶小誤而不相原唯仁者迦葉悅豫意解後不敢失也尊者迦葉謂阿難曰汝莫啼哭仁功德本以普具足我等法要會當如言直諫之辭不得不設阿難且起吾不與卿共結經要於是賢者阿那律謂大迦葉我等云何違離阿難佛之侍者博聞總持積要之藏次佛第三而結經要乎尊者大迦葉曰吾等不與阿難言學之類但共結集經義法要阿難且起自退而去吾與成就阿羅漢等乃俱結經於是阿難起坐

悲哀顧視衆比丘憂色而出應時其夜被祇  
支子爲示開解斷一切結得羅漢道遠三達  
智果大神通諸羅漢衆異日共會無數百千  
如阿須倫捨月之光其明照耀普現世間阿  
難心悅脫諸瑕穢所作已辦尊者迦葉曰善  
哉善哉阿難卿遠平等吾心欣踊世尊所謂

獸七

七

累者教令已度卿耳如是順次得斷諸漏又  
汝阿難其佛世尊講說法眼蒙仁博聞持法  
之恩當令求立於是頌曰

彼佛住世尊 所至爲第一 悉有如人民

道術不齊逝 於是甘露味 爲至普賢人  
佛定滅寂然 以故教化布

於是諸耆年謂阿難曰汝當住須結集正經  
法律衆法之解於是衆會無數百千告阿難  
已念法恭敬具足玄廣普察比丘思佛功德  
而不可限於是頌曰

此比丘衆勝 以違遠佛德 不復有威耀  
如空離日光

於是賢者阿難即觀師子之座衆比丘僧周  
匝圍繞如師子子處衆師子阿難坐已賢者  
大迦葉爲阿難說頌曰

大智願說之 安住子唯講 何所之經卷

世尊最先說

迦葉爲阿難說是偈適竟阿難意即得佛覺  
而念經道無所畏懼亦不動搖無所疑難遙  
向世尊般泥洹處一心叉手便口頌曰  
聞如是一時 佛遊波羅奈 仙人鹿苑說  
具足法輪經

衆尊甚多悉共勸助乃上師子座如師子行  
第一說言聞如是一時隨尊所處所可聞經  
皆悉誦宣時一切衆羅漢等聞是言已便皆  
避坐下處于地心念如是嗚呼無常力吾等  
自觀如來說法適余近耳今日云何聽聞如  
是尔時真人說此頌曰

咄三界恍惚 如月現于水 譬如彼幻化  
猶芭蕉無堅 三界無等侶 功德最清淨

佛者常有終 忽乖如風起

爾時賢者大迦葉須臾聞禪思便嗟嘆曰嗚

呼終力一切無脫於是頌曰

不顧無智者 亦不護有智 脱與及未度  
無有人歸盡 不以言呪濟 不用鹿醉免

世間無等耳 同如海水鹹

獸七

八

於是大迦葉從阿難聞是言已便慇懃受轉法輪經告阿若拘憐五比丘汝等所受如是不啻曰若斯如是比類結集正經藏結集律藏結集諸法藏結集經時諸天即來住于虛空舉聲稱曰

衆上爲阿難 示現諸教禁 造集正法經

哀愍衆人民

於是精集行 釋迦文善導

未來及現在 爲得第一定

於是結集正經律禁諸法解已尊者大迦葉

即說頌曰

是爲哀愍人

所建法經卷 結集十力教

則爲無有量

其世間邪見

及念窈冥滅

其光照耀遠 冥中燃大燈

迦葉結經

撰集三藏及雜藏傳一卷

獸七

失譯附東晉錄

佛涅槃後迦葉阿難於是摩竭國僧伽尸城

北撰三藏及雜藏經

先禮佛已 禮法衆僧 各受集法 此諸法典除去五蓋 一心聽受 所說聚法 如阿難說當共信樂 是阿難智 與佛同等 聽集此法如佛涅槃 阿難富法 慈念衆生 護持諸法如視世尊 無上道士 視阿難等 福田無過

獸七

九

設非阿難 釋種涅槃 正法滅盡 并及三藏  
佛兩諸法 哀念天人 承以完器 阿難受持  
寄付慇懃 阿難以法 此人乃復 終不漏脫  
所聚法名 分別等法 如師子吼 阿難所說  
一一於前 比丘各好 阿難獨立 佛自稱譽  
若過世智 若復俗智 一切皆知 阿難如海